



**Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK**



Vogošća, Ul. Jošanička br. 80, tel: 00387 33 586-413, fax: 033 586-444

Na osnovu člana 71. i člana 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i 14/15), i Zaključka broj 03-20-703/20 od 04.05.2020. godine, Općinski načelnik donosi:

**PRAVILNIK
O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA NA
DODJELU PLASTENIKA U SKLOPU REALIZACIJE PROJEKTA „DODJELA PLASTENIKA OD
100 m² NA PODRUČJU OPĆINE VOGOŠĆA ZA 2020. GODINU“**

OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava za učešća građana na području općine Vogošća, u projektu „Dodjela plastenika od 100 m² sa dodatnom opremom na području općine Vogošća za 2020. godinu“ (u daljem tekstu: Projekat).

Član 2.

Pravo na učešće u Projektu imaju sva zainteresovana fizička i pravna lica, koji imaju prebivalište na području općine Vogošća, koji su upisani u Registar poljoprivrednog gazdinstva i Registar klijenata Općine Vogošća, koji su vlasnici ili suvlasnici u porodičnom domaćinstvu zemljišta površine najmanje 500 m², te ispunjavaju uslove propisane ovim Pravilnikom.

USLOVI ZA OSTVARIVANJE PRAVA UČEŠĆA KANDIDATA U PROJEKTU

Član 3.

- a. Da je podnosilac zahtjeva upisan u Registar poljoprivrednog gazdinstva i Registar klijenata Općine Vogošća
- b. Da je podnosilac zahtjeva vlasnik/suvlasnik u porodičnom domaćinstvu zemljišta površine najmanje 500 m², pogodnog za plasteničku proizvodnju na području općine Vogošća.
- c. Da navedeno zemljište pripada poljoprivrednom gazdinstvu, odnosno da je uz objekat stalnog mjesta boravka podnosioca zahtjeva.

Član 4.

Služba za privredu, integrisani lokalni razvoj i društvene djelatnosti Općine Vogošća je nosilac aktivnosti za realizaciju Projekta.

KRITERIJI ZA DODJELU PLASTENIKA

Član 5.

Kriteriji za bodovanje podnesenih zahtjeva:

a) Pogodnost zemljišta za plasteničku proizvodnju (uviđaj Komisije za dodjeu pastenika na licu mjesta)

- 1-a) da je površina zemljišta gdje će se postaviti platenik ravna ili veoma blagog nagiba (1 bod)
2-a) da dimenzije zemljišne parcele odgovaraju veličini platenika _____(1 bod)
3-a) da je u neposrednoj blizini stambenog objekta _____(1 bod)
4-a) da je omogućeno navodnjavanje _____(1 bod)

b) Socijalni status

- podnosilac zahtjeva nezaposlen _____(3 boda)
- za svakog punoljetnog nezaposlenog člana domaćinstava _____(1 bod)
- ako podnosilac zahtjeva po članu domaćinstva nema nikakvih prima _____(7 bodova)
- ako podnosilac zahtjeva po članu domaćinstva ima primanja manja od 10% prosječne plate u Federaciji BiH _____(5 bodova)
- ako podnosilac zahtjeva po članu domaćinstva ima primanja od 10% do 20% prosječne plate u Federacija BiH _____(4 boda)
- ako podnosilac zahtjeva po članu domaćinstva ima primanja od 20% do 30% prosječne plate u Federacija BiH _____(3 boda)
- ako podnosilac zahtjeva po članu domaćinstva ima primanja od 30% do 40% prosječne plate u Federacija BiH _____(2 boda)
- u koliko podnosilac zahtjeva po članu domaćinstva ima primanja od 40% do 50% prosječne plate u Federacija BiH _____(1 bod)
- socijalni aspekt (stanje na terenu, imovno stanje, opći dojam) _____(od 1 – 3 boda)

c) Ostvarivanje prava u posljednjih 5 godina kada je u pitanju donacija, dodjela ili sufinansiranje nabavke platenika površine 100 m² sa dodatnom opremom od strane Općine Vogošća

- podnosioci koji su u posljednjih 5 godina ostvarili pravo na donaciju, dodjelu ili sufinansiranje nabavke platenika površine 100 m² sa dodatnom opremom od Općine Vogošća, se isključuje iz bodovanja.

IZBOR KANDIDATA

Član 6.

Općina Vogošća objavljuje Javni poziv za predaju zahtjeva za dodjelu platenika na web stranici, oglasnoj ploči Općine Vogošća i oglasnim pločama svih MZ.

Javni poziv sadrži: uslove koje kandidat mora ispunjavati, kriterije za bodovanje, rok za podnošenje prijava i druge potrebne uslove.

Izbor kandidata za dodjelu platenika vrši se na osnovu pristiglih prijava na Javni poziv.

Član 7.

Općinski načelnik imenuje Komisiju za dodjelu platenika.

Zadatak Komisije za dodjelu platenika je: pregled prispjelih prijava, evidentiranje kandidata koji ispunjavaju uslove iz Javnog poziva, vrši uviđaj na licu mjesta za one kandidate koji po pristigloj aplikaciji ispunjavaju preliminarne uslove iz Javnog poziva, sačinjava rang listu na osnovu utvrđenih kriterija za bodovanje.

Utvrđena rang lista se dostavlja Općinskom načelniku.

Član 8.

Odluku o dodjeli platenika donosi Općinski načelnik na prijedlog Komisije za dodjelu platenika.

O rezultatima Javnog poziva, kandidati će biti obavješteni pismenim putem, putem oglasne ploče i web stranice.

Član 9.

Izabrani kandidati potpisuju Ugovor o dodjeli plastenika, kojim će biti regulisana sva dalja međusobna prava i obaveze.

Član 10.

Pravilnik stupa na snagu danom donošenja.

Član 11.

Ovim Pravilnikom prestaju da važe odredbe „Pravilnika o utvrđivanju uslova, kriterija i postupaka za ostvarivanje prava na dodjelu plastenika u sklopu realizacije projekta „dodjela plastenika od 100 m² na području općine Vogošća za 2020. godinu“, broj: 03 -20-702/20 od 09.04.2020. godine.

Broj: 03-20-703/20
Vogošća, 08.05.2020. godine

